



SURAT KHABAR	:	KOSMO	MUKA SURAT	:	16
TARIKH	:	8/8/2018			
JABATAN	:	PERHILITAN			
KLASIFIKASI	:	PERHATIAN			

Anak gajah seberat 200kg gemparkan penduduk pekan Lintang



KAKITANGAN Perhilitan memberikan minuman kepada anak gajah yang ditangkap di pekan Lintang semalam.

SUNGAI SIPUT - Penduduk di sekitar pekan Lintang di sini gemparkan dengan kehadiran seekor anak gajah jantan yang muncul secara tiba-tiba di jalan raya pagi semalam.

Dalam kejadian kira-kira pada pukul 8 pagi itu, anak gajah berusia dua tahun seberat kira-kira 200 kilogram itu dilihat berkeliaran di atas jalan raya sebelum menghampiri sebuah dewan, Balai

Polis Lintang dan Sekolah Kebangsaan (SK) Lintang.

Beberapa rakaman video mengenai kehadiran anak gajah itu turut menjadi tular di media sosial sejak pagi semalam.

Saksi kejadian, Fadzil Pahim, 51, berkata, kehadiran anak gajah itu disedari penduduk kampung sejak malam kelmarin apabila haiwan itu dikesan sedang tidur di dalam kebun pisang di belakang

sebuah rumah.

"Sebaik menyedari kehadiran gajah, orang ramai bersepakat untuk mengepungnya, namun haiwan itu melarikan diri ke sebuah ladang kepala sawit," katanya.

Pemangku Pengarah Jabatan Perlindungan Hidupan Liar dan Taman Negara (Perhilitan), Wan Shahrudin Wan Nordin berkata, pihaknya berjaya menangkap anak gajah

tersebut pada pukul 10 pagi di sebuah ladang kira-kira satu kilometer selepas menembak ubat pelali.

"Kita percaya anak gajah tersebut telah terpisah daripada ibunya di Hutan Simpang Piah sebelum tersesat masuk ke kawasan pekan," jelasnya.

Tambahnya, gajah itu diserahkan kepada pihak Pusat Konservasi Gajah Kebangsaan Kuala Gandah di Lanchang, Pahang.